



**BROJ PREDMETA: 01-3348/24**  
**BROJ AKTA: 04-AS-010/24**  
**DATUM: 05.07.2024.godine**

Na osnovu člana 23. stav 2. Zakona o javnim preduzećima Brčko distrikta BiH ("Službeni glasnik Brčko distrikta BiH" broj: 15/06, 05/07, 19/07, 24/08 i 17/16), člana 48. Statuta Javnog preduzeća "Putevi Brčko" d.o.o. Brčko distrikta BiH, a u vezi sa članom 70. stav 3. Zakona o javnim nabavkama Bosne i Hercegovine («Službeni glasnik BiH», broj: 39/14) i Pravilnika o javnim nabavkama roba, usluga i radova JP „Putevi Brčko“ d.o.o. Brčko distrikta BiH na preporuku Komisije za javne nabavke broj: 01-3348/24, broj akta: 04-AK-008/24 od 28.06.2024.godine, Direktor JP "Putevi Brčko" d.o.o. Brčko distrikta BiH donosi:

## **ODLUKU**

**o izboru najpovoljnijeg ponuđača i dodjeli Okvirnog sporazuma po konkurentskom postupku javne nabavke usluga – nabavka usluga geomehaničkih i kontrolnih ispitivanja a za potrebe JP "Putevi Brčko" d.o.o. Brčko distrikta BiH**

### **Član 1.**

U konkurentskom postupku kojim je predviđeno zaključivanje okvirnog sporazuma za javnu nabavku usluga geomehaničkih i kontrolnih ispitivanja, a za potrebe JP "Putevi Brčko" d.o.o. Brčko distrikta BiH, objavljene na portalu javnih nabavki pod brojem: 947-7-2-47-3-66/24, od dana 06.06.2024.godine i ispravke obavještenja o nabavci broj: 947-7-2-47-8-72/24, od dana 21.06.2024.godine prihvata se preporuka Komisije za predmetnu javnu nabavku broj: 01-3348/24, broj akta: 04-AK-008/24 od 28.06.2024.godine, te se ugovor dodjeljuje sljedećem ponuđaču:

- 1. Institut „GIT“ d.o.o. Tuzla, čija procijenjena vrijednost ponude iznosi 1.258,92 KM sa uračunatim PDV-om.**

### **Član 2.**

Po okončanju roka za žalbu Ugovorni organ će sa izabranim ponuđačem zaključiti Okvirni sporazum za nabavku usluga na period trajanja od jedne godine na iznos od 45.000,00 KM sa uračunatim PDV-om u skladu sa raspoloživim finansijskim sredstvima, kojim će se regulisati međusobna prava i obaveze vezano za predmetnu javnu nabavku shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

U skladu sa Okvirnim sporazumom predmetna nabavka će biti finansirana iz sredstava predviđenim poslovnim planom za 2024. i 2025. godinu.

### **Član 3.**

Ova Odluka će se dostaviti svim ponuđačima koji su učestvovali u predmetnom postupku javne nabavke uz obavještenje o rezultatima postupka.

#### Član 4.

Ova Odluka stupa na snagu danom donošenja i objavit će se na web stranici, kao i na oglasnoj tabli Preduzeća, danom upućivanja iste ponuđačima.

#### O b r a z l o ž e n j e

Nakon provedenog Konkurentskog zahtjeva za dostavu ponuda sa objavljenim obavještenjem o javnoj nabavci na portalu javnih nabavki pod brojem: 947-7-2-47-3-66/24, od dana 06.06.2024.godine i ispravke obavještenja o nabavci broj: 947-7-2-47-8-72/24, od dana 21.06.2024.godine za javnu nabavku usluga geomehaničkih i kontrolnih ispitivanja, pokrenutog Odlukom o pokretanju Konkurentskog zahtjeva za dostavu ponuda broj predmeta: 01-3348/24 br.akta: 04-AS-002/24, od 04.06.2024.godine, Komisija imenovana rješenjem broj predmeta: 01-3348/24, broj akta: 04-AS-006/24 od 12.06.2024.godine, je izvršila pregled i ocjenu blagovremeno dostavljenih ponuda, te konstatovala da je za predmetnu nabavku dostavljeno 3 (tri) ponude od strane sljedećih ponuđača: 1. Centar za projektovanje i konsalting „CPK“ d.o.o. Banja Luka, 2. Institut za građevinarstvo „IG“ d.o.o. Banja Luka i 3. Institut „GIT“ d.o.o. Tuzla.

Analizom pristiglih ponuda, na zatvorenom sastanku Komisija za predmetnu javnu nabavku je uvidom u priloženu dokumentaciju i suštinskom provjerom sadržaja i validnosti dokumentacije je utvrdila da navedeni ponuđači ispunjavaju formalno-pravne uslove, odnosno zahtjeve Ugovornog organa, kao i da ponude od strane gore navedenih ponuđača ispunjavaju uslove tražene tenderskom dokumentacijom.

Komisija za predmetnu nabavku po kriteriju za dodjelu ugovora (najniža cijena tehnički zadovoljavajuće ponude), jednoglasno utvrdila rang listu kvalifikovanih ponuda i isto konstatovala u Zapisnik o ocjeni ponuda.

Članom 70. Stav (6) Zakona, propisano je da Ugovorni organ predmetnu Odluku objavljuje na svojoj internet stranici istovremeno sa njenim upućivanjem ponuđačima koji su učestvovali u postupku javne nabavke. Nadalje, članom 71. ZJN BiH, utvrđena je obaveza Ugovornog organa da predmetnu Odluku dostavi ponuđaču koji je učestvovao u postupku javne nabavke uz obavještenje o rezultatima postupka, kao i Zapisnik o izboru najpovoljnije ponude.

Imajući u vidu naprijed navedeno, Komisija je dala *preporuku* direktoru preduzeća da se Okvirni sporazum o nabavci usluga dodjeli navedenom ponuđaču Institut „GIT“ d.o.o. Tuzla.

Cijeneći navedeno, odlučeno je kao u članu 1. ove Odluke.


**Pouka o pravnom lijeku:** Protiv ove Odluke dozvoljena je žalba u pisanoj formi u roku od 5 (pet) dana, računajući od dana kada je ponuđač primio Odluku, odnosno obavještenje o rezultatima postupka. Žalba se izjavljuje ugovornom organu JP „Putevi Brčko“ d.o.o. Brčko distrikta BiH, Bosne Srebrene Br.29, 76 100 Brčko, u skladu sa članom 99. i 101. ZJN BiH, u dovoljnom broju primjeraka, a koji ne može biti manji od tri.

A.S.



JP „Putevi Brčko“ d.o.o. Brčko distrikt BiH

za Direktora

  
Vlado Jevtić

M.I.



**Dostavljeno:**

- Ponuđačima,
- Oglasna tabla Preduzeća,
- Web stranica,
- Arhiva.